

cum fratribus plus aliquid, videlicet concordiam, conspirationem, amoris coniunctionem, et caritatis clamorem felici societate, complexas, optimum esset, ubi commode fieri posset, ut quemadmodum in nonnullis institutum esse acceperimus, ita in omnibus et singulis dioecesisibus in more poneretur; nimur ut singulis diebus, dato certo campanarum signo, sive in ecclesiis, dummodo totius populi multitudine unum in locum, ubi oret, masculis è feminis seorsim collocatis, convenire facilè possit, et nulla suboriatur confusio et inordinatio; sive in propria domo patrisfamilias eo, aut alio opportuniori tempore, ante imaginem sacram cum tota familia convenientes orient.

Ea propter vos, venerabiles fratres, rogamus et in Dominino hortamur, ut in omnibus et singulis ecclesiarum piorumque locorum, in civitatibus quidem cathedralibus, aliarumque praecipuarum ecclesiarum, in oppidis vero parochialium ecclesiarum superioribus ac rectoribus iungatis, ut praemissi campanae sonitu iis diebus, isque horis, quibus vobis opportuniùs in Domino visum fuerit, dando decernendoque, omnes Christi fideles uniuscuiusque curae commissos, quos in unum convenire contigerit, in mentalis orationis studio erudire, sive per alias peritos erudiri faciant, atque ad illam frequentandam accedere, necessitatem utilitatemque proponere, indulgentiarum thesauros quos de benignitate apostolica elargimur, explicare, et ad ipsos, eà quae decet pietate ac reverentia, lucrando inflammare studeant et enitanter, atque etiam, si commode, ut praemittitur, fieri poterit, orationi mentali, in communis practica, ut dicitur, vocare, in eaque exerceri faciant et curent. Praesentibus perpetuo futuris temporibus valiturus, etc. Datum Romae, die 16 decembris 1746, pontificatus nostri anno septimo.

ARTICULUS II.

CONTINENS MEDITATIONES DE VARIIS ARGUMENTIS.

Cum missa et communio actiones sint quae singulariter exigunt pietatem, et eam à consideratione potissimum

mùm pendere doceat sanctus Bernardus, ideo ut illius sensus in se possint sacerdotes et communicantes facilius excitare, selectas hic ponimus meditationes: 1.^o de sanctissimo Eucharistiae sacramento; 2.^o de statu sacerdotali; 3.^o de nonnullis Christi titulis ex opere P. Dom Antonii Molina carthusiani, hispano idiome: *Instructione sacerdotum. V. P. Ludovicus à la Puente*, societas Iesu, in suis *Meditationibus spiritualibus*, copiosam pro toto anni curriculo ad meditandum materiam solidissimam, divinâque unctione refectam tibi exhibere poterit.

§ I.

MEDITATIONES DE SANCTISSIMO EUCHARISTIAE SACRAMENTO.

MEDITATIO I.

Institutio sacramenti Eucharistiae.

1. *Accipite et comedite: hoc est corpus meum.* (Matth. xxvi, 26). Credere primum, vivâ fide, carnem, sanguinem, animam Christi, deitatem et quidquid est Deus, esse in sanctissima Eucharistia, sive vi verborum, sive per concomitantiam. Admirare Dei sapientiam, quae inventi novum modum se nobis communicandi. Obstupescere et lauda omnipotentiam quae uno momento, paucis verbis, illa omnia sub speciebus panis et vini ponit. Agnoscere infinitum amorem quo hoc facit. Sicut Pater sic dilexit mundum ut Filium suum unigenitum daret; ita et Filius, ut seipsum daret, ut sit nobiscum usque ad consummationem saeculi. O admirabilis et amabilis Deus! Quod de te cogitaverit, ut incarnaretur, quantum est! sed quantò maius, quod velut denuo nascatur, et omnia secum afferat quae tunc attulit? Quid retribues Domino? O alacritatem meam deinceps quid habeo?

2. *Dominus Jesus, in qua nocte tradebatur, accipiens panem, etc.* Considera tempus huius institutionis. Erat

illud ipsum quo eius vitae struebantur insidiae, quo fermebant odia iudeorum in illum. Sic aquae persecutio num non potuerunt extinguere caritatem eius; sic amant nos etiam cum inimici sumus. Tormenta igitur vicina, crux, infamia, non causarunt separationem Christi à te, sed maiorem coniunctionem, per hoc amoris et unionis Sacramentum. *Quis ergo te separabit à caritate Christi?* Tribulatio? an angustia? an famæ? an nuditas? an periculum? (Rom. viii, 35). Conclude magno ardente que amore: *In his omnibus superaber propter eum qui dilexit me.* (Ibid. v. 37).

3. *Et manducantibus illis, accepit Iesus panem.* (Marc. xiv, 22). Considera quos Christus adhibuerit convivas; Apostolos nempe, et inter eos, ut communiter creditur, etiam Iudam. Sed quanta sumentium diversitas! illi, corpore simul et spiritu ardentissimae devotionis: iste solùm corpore, spiritu autem in proditio nem Christi intento. Vide bellum illam hoc amoris cibo non mitigatam, et adverte quomodo scelera in catenam eant, cùm passio, ex qua ortum trahunt, non tempestivè opprimitur.

MEDITATIO II.

Sanctissima Eucharistia est memoriale passionis Christi.

1. *Hoc Sacramentum instituit tanquam passionis suae memoriale perenne.* (S. Thom. Opusc. 3). Cruenti sacrificiis ut perennis extaret memoria, incurruentum instituit quotidie peragendum. Semel pro nobis immolatus, inventit modum quo saepius immoletur. Ergone putandum est Christum toties pro me mori? Agnosce amorem. Sed nihil reddit, nisi et tu quotidie immoleris. *Qui autem sunt Christi, carnem suam crucifixerunt cum virtutis et concupiscentiis suis.* (Gal. v, 24).

2. *Hoc facite in meam commemorationem.* (Luc. xxii, 19). Quanti ipse suam passionem fecerit hinc aestima, quia voluit ipse seipso eius esse memoriale. Obligat hoc te ad continuam tanti beneficii memoriam, non quae in sola cogitatione sistat, sed quae in affectum et opus

transeat. Qui enim passionis Dominicæ mysteria celebрамus, debemus imitari quod agimus. (S. Greg. Dial. l. iv, c. 59).

3. *Quotiescumque manducabitis panem hunc, et calicem bibetis, mortem Domini annuntiabitis.* (I Cor. xi, 26). Quoties Eucharistiam sumis, cogitate mortui Christi sepulchrum esse. Non erit dignum, nisi sit novum; voluit enim poni in monumento novo. Non eris novus, nisi veterem hominem occidas. *Necesse est ut, dum haec agimus, nosmetipsos Deo in cordis contritione mactemus.* (S. Greg. sup.). Quid ad hoc ais? expedi arma, et te hostiam ei exhibe qui se dedit hostiam pro te.

MEDITATIO III.

De dignitate sumentis Eucharistiam.

1. *Ad eum veniemus, et mansionem apud eum faciemus.* (Ioan. xiv, 23). Qui sumit Eucharistiam fit Dei habitaculum. Ut intelligas quanta sit haec dignitas, cogita viscera beatissimæ Virginis, in quibus primùm homo factus habitavit, quantis illam gratis cumulavit! At est ipse est, qui in Eucharistia ad te divertit. Quanta est huius dignatio! At noli permettere ut in te divertant foeda animalia infrenium passionum.

2. *Qui manducat meam carnem et bibit meum sanguinem, in me manet, et ego in eo.* (Ioan. vi, 57). Non solùm fit habitaculum Dei qui Eucharistiam sumit, sed admirabili quadam unione fit unum cum eo. Assequere, si potes, quanta sit haec dignitas, uniri humanitati Christi, et veluti, eà mediante, ipsi personæ Verbi et toti Trinitati, quae concomitanter in Eucharistia sumitur. Considera ad quid te impellat tanta gloria; ut qui uniris Deo, avellaris à luto creatarum rerum; ut dicta, facta, cogitata tua sint talia, quae non dedeant mem brum Christi.

3. *Ego vivo propter Patrem; et qui manducat me, et ipse vivet propter me.* (Ioan. vi, 58). Excellentiam unionis cum Christo adverte. Sicut Filius accipit à Patre essentiam, vitam et omnes perfectiones, ita ut sit unus

Deus cum Deo Patre, et in eo vivat, easdemque cum illo perfectiones habeat, idem intelligere, idem velle et operari; ita, per Eucharistiae sumptionem, sis particeps vitae et perfectionum Christi. Debes ergo idem cum illo sentire, velle, agere, pati. Efficiet id unitus tibi Christus, nisi tu obsistas.

MEDITATIO IV.

De dispositione ad sanctissimam Eucharistiam sumendam.

1. *In sole posuit tabernaculum suum.* (Ps. xviii, 6). Curanda summa puritas animae, in quam venturus est Christus. Exigit hoc summa sanctitas et maiestas hospitis. Expende enim quis, et ad quem ingreditur. Si matrem quea conceptuera erat Filium Dei, decedat tantâ puritate nitore, quâ maior infra Deum excogitari non potest; te idem decet, qui eumdem excipis. At puritas non est sola ab omni peccato immunitas, sed etiam affectuum purgatio et virtutum ornatus. Potesne sic te mundum dicere? Quanto labore opus est ut huc pervenias! Pervenes, si serio voles. Dic cum leproso (Matth. viii, 2): *Domine, si vis, potes me mundare.* Confide: extendet manum suam, et dicet: *Volo, mundare.*

2. *Vincenti dabo edere de ligno vitae, quod est in paradiiso.* (Apoc. ii, 7). Id est, ut ait scriptor quidam, quod est in Ecclesia militante per praesentiam corporalem in Sacramento altaris. Ut hoc fruaris mysterio, necesse est ut te vincas, et appetum rationi, rationem Deo subiicias. Non satis ergo dignè accidis, si te non vincis. Quantus tibi in te ipso victoriarum campus! superbia, ambitio, tui aestimatio, vanæ gloriae cupiditas, ira, impatientia, languor in spiritu, tepidas, et alia quae tu nôsti, haec devince, et dabitur tibi de ligno vitae. Quâm alius essem, si quoties ad hanc escam accessisti, vel unum ex his hostibus subiugasses!

3. *Ecce ego pluam vobis panes de coelo; egrediatur populus, et colligat.* (Exod. xvi, 4). Promittitur hic manna, figura Eucharistiae, et quidem ad instar pluviae

DE SS. EUCHARISTIAE SACRAMENTO. 339

super iustos et iniustos cadentis. Quae bonitas Dei se tam prodigè largientis! sed ut eo potiaris, necesse est te egredi. Unde? aut quâ? Respondet Rupertus, l. III, c. 11, in Exod., *de pristica conversatione, de vetustate vitae.* Nondum enim deposito vetere homine, non est nobis hoc manna colligere. Expende quâm vivat in te vetus homo; quanta in eo occidere debeas, ut induas novitatem vitae.

MEDITATIO V.

Item de dispositione ad Eucharistiam sumendam.

1. *Pauperes eius saturabo panibus.* (Ps. cxxxI, 13). Felix paupertas, quae sola, ut ait Rupertus in c. vi Ioan., edit magnam eleemosynam Regis regum, quam dat ipse, non aliam quâm seipsum! Datur ergo ille panis ut eleemosyna magni Dei. Exinanire, exinanire, ut pauper, illâ fias dignus. Eiice amorem saeculi et vanitatum eius. Indignè eleemosynam accipit qui dives est; indignè Eucharistiam, qui saeculo affectus est. Scito, qui esurientes seu pauperes implebit bonis, ille divites dimisit inanes. Et haec est fortè causa tam parvi fructûs à te relati, ex tam frequenti huius mysterii sumptione.

2. *Si quis sitit, veniat ad me, et bibat.* (Ioan. vii, 37). Sitis quaedam et fames, ac vehementer desiderium affrendum est ad hunc cibum. Fons ille sacramentalium gratiarum non patet, nisi sitienti: *Sitienti dabo de fonte aquae vitae.* (Apoc. xxi, 6). Oportet, namque, ait S. Bern. serm. 31 in Cant., ut sancti desiderii ardor praecedat faciem eius ad omnem animam ad quam est ipse venturus. O tepida anima! Nonne sacrilegium crederes nauseare cibum istum pretiosissimum? Certè proxima nauseae es, si non desideras. Excita ergo, quoties accessura es, fervens desiderium; quod nascitur ex actuali fide dignitatis huius cibi, amoris Dei in te, fructuum ex Eucharistia dimantianum, etc.

3. *Cum invitatis fueris ad nuptias, recumbe in nonnissimo loco.* (Luc. xiv, 8-10). Ad nuptiale convivium Dei se tibi despontantis accessurus es; quis tu? quis ille? Agnoscis in eius maiestate tuam indignitatem? Sed

dignus fieri potes, si corde sincero sis humilis. *Respxit humilitatem ancillae suaे* (Luc. i, 48), ut eius sacratissimum uterum subiret; non despiciet tuam humilitatem. Et quanta te deprimendi materia, si benè expendas! quis tu? quis ille? Exclamare magno iure debes: *Quis ego sum servus tuus: quoniam respxisti super canem mortuum similem mei?* (II Reg. ix, 8).

MEDITATIO VI.

De aliis effectibus sanctissimae Eucharistiae sumptae.

1. *Accedite ad eum, et illuminamini.* (Ps. xxxiii, 6). Accedentium ad Christum fructus est, quod intellectu illuminentur ad cognoscenda altissima mysteria. Ipse lux est *quae illuminat omnem hominem.* (Ioan. i, 9). Expende tenebras tuas. Heu quantum ad divina caecutis! Scisne quod in fractione panis aperti sunt oculi discipulorum? (Luc. xxiv, 31). Ecce idem caecitatis tuae medicus est. Idem qui quod ex caeco olim Ierichuntino, ex te quaerit: *Quid tibi vis faciam?* (Luc. xviii, 41). O benignitas praevenientis! Dic fidenter cum eodem: *Domine, ut videam te, videam me.*

2. *Qui replet in bonis desiderium tuum: renovabitur ut aquilae iuventus tua.* (Ps. cii, 5). Senescit anima, cum ad virtutem languet; iuvenescit cum viget. Senio hoc frequenter et tu occuparis; sed in novitate vitae ambulandum est. Ut renovetur autem iuventus tua, aptissimum remedium est sancta Eucharistia, ut Deus repleat in bonis desiderium tuum. Si ergo, ex S. Hier. in c. iii Ezech., hoc solum habemus in praesenti saeculo bonum, si vescamur carne Domini, ex hoc dignè sumpto iuvenesces. Aestima, lauda, ama, anhela; et quoties accedis, aliquid veteris hominis deponere.

3. *Exurgens Maria, abiit in montana cum festinatione.* (Luc. i, 39). Effectus hic fuit concepti Dei. Quod enim iam Deo plena, ait S. Ambr., nisi ad superiora cum festinatione contenderet? Eudem accipis in Eucharistia, quem Virgo concepit. Idem in te, nisi tu ob-
sistas, operabitur; ut ardente voluntate ad ardua virtu-

tum contendas, et quidem magnâ festinatione ad apicem perfectionis pervenias. Cooperare id desideranti Deo, ne te semper, per tuum languorem, in imo reperiatur. Ele-
vabit te Deus, sed non sine te.

MEDITATIO VII.

De aliis effectibus sanctissimae Eucharistiae.

1. *Panem Angelorum manducavit homo.* (Ps. lxxvii, 23). Dicitur sanctissima Eucharistia *panis Angelorum*, non quod Angeli ea vescentur, sed quod homines su-
mentes velut Angelos efficiant. Ita Hugo card. in capi-
te xxxi Prov.: *Datus est hominibus, ut fiant Angeli.* Quae tua est felicitas, si fas velut corporis expers, totus spiritualis, tentationum immunis, à passionibus liber! Certè si nondum factus es talis, tu impedivisti. Et quae haec tua insania, cum possis, nolle ad angelicam per-
fectionem evadere?

2. *Quotquot autem receperunt eum, dedit eis potesta-
tem filios Dei fieri.* (Ioan. i, 12). Effectus sanctissimae Eucharistiae est, ut te faciat filium Dei, non quidem naturalem, sed adoptivum. Per quod simul intras in ius haereditatis: si enim filii Dei sumus, et haeredes. (Rom. viii, 17). O mira dignatio! Expende quem patrem habeas! quem fratrem! quo affectu, quâ reveren-
tiâ et fiduciâ in eum ferri debeas! sed quâ degener tu fuisti hactenus filius et frater! Non te pudet! Sed quid eris in posterum, ut dignè patrem voces Deum, fratrem Iesum? *Agnosce dignitatem tuam, et divinae consors factus naturae, noli in veterem hominem degeneri conver-
satione redire.* (S. Leo).

3. *Qui manducat meam carnem et bibt meum san-
guinem, in me manet, et ego in illo.* (Ioan. vi, 57). Altius ascendit dignitas quam per sanctam Eucharistiam obtines; non tantum fisi filius Dei, sed velut unus cum Deo, ut is in te maneat, et tu in illo. Sed necesse est ad hoc, ut moriatur in te quidquid tu es, vivat solùm quod Deus est. O quando erit illud tempus, quo cum veritate

dicere possis: *Vivo autem, iam non ego; vivit verò in me Christus?* (Gal. II, 20).

§ II.

DE STATU SACERDOTALI.

MEDITATIO I.

De excellentia huius statū.

Quanta illa sit dignosces, 1.^o ex praeclaris sacerdotum nominibus. — Vocantur enim in sacris Scripturis et à sanctis Patribus passim, *angeli Domini, vicarii Christi, Dei homines et adiutores, lux mundi, sal terrae, duces et rectores gregis, mediatores inter Deum et populum, clavigeri coeli, salvatores terrae, terreni dì, etc.* O gloriosae appellations! Sed num in te vacuae? Studie earum implere significantiam, *ut nomen congruat actioni, actio respondeat nomini, ne sit nomen inane, crimen immane.* (S. Ambr.).

2.^o Ex honore sacerdotibus debito et impenso.—Ferè enim Deo aequiparantur. *Honora Deum, ait Scriptura, ex tota anima tua, et honorifica sacerdotes.* (Ecclesiastici, VII, 33). *Nolite tangere Christos meos.* (Psalmus civ). *Qui recipit vos, me recipit.* (Matth. X, 40). *Qui vos audit, me audit; qui vos spernit, me spernit.* (Luc. X, 16). Beatum Antonium sacerdotes in summa veneratione habuisse, solitumque iisdem caput summitem, refert sanctus Athanasius. Constantinus Magnus eos ut patres, imò verò ut Dei prophetas, omnino honorificè reverebatur, ex Eusebio. Nec minus illorum reverentes sunt Angeli, qui per sacrificii tempus ipsis *adstant et quasi famuli assistunt*, ex sanctis Augustino et Chrysostomo. Quid ergo, si, vitâ sacerdotali persona indigna, dedecus tibi pareres! Longè abiice à te quidquid eam non decet; sectare verò iustitiam, pietatem, fidem, caritatem, etc. Sic cum Apostolo, *minister tuum honorificabis.*

3.^o Ex sacerdotalis statū institutione, seu origine et fine.—Etenim primò quis huius auctor? Audi sanctum

Chrysostomum: *Sacerdotium, inquit ille, in terra quidem peragitur, sed in rerum coelestium classem ordinemque referendum est: atque id perquam merito; quippe non mortalis quisquam, non Angelus, non Archangelus, non alia quaeviis creata potentia, sed ipse Paracletus ordinem huiusmodi disposuit.* Et quo quidem fine? ut nempe qui in illum adlegerentur, toti incumbenter ad procurandam divinam gloriam et dirigendos fideles in viam salutis. O praestantissimam et sanctissimam vocationem! Summas agas Deo gratias, qui tuam hanc esse voluit, et vide ut illam impleas.

MEDITATIO II.

De eodem argumento.

1. *Intuere iterum quantus sit sacerdos novae legis!* Ipsum (Dominus) elegit ab omni vivente, offerre sacrificium Deo, incensum et bonum odorem, habere laudem in nomine eius; in memoriam placare pro populo suo; et dedit illi in preceptis suis potestatem, in testamentis iudiciorum, docere Iacob testimonia, et in lege sua lumen dare Israël. (Eccli. XLV, 19-21). Num mortalis homo ad maiora potest eligi et applicari? Sollicite cura te ipsum probabilem exhibere Deo, qui ad tantum evectus es dignitatis gradum. *Monstruosa enim res est, ut loquitur S. Bern., gradus summus, et animus infimus.*

2. Sed quale rursus est officium sacerdotum? Ipsius datum est, ait pius auctor L. de Imit. Christi, *Domini maiestatis verbis sacris consecrare, labiis benedicere, manibus tenere, ore proprio sumere, et caeteris ministrare.* O quam magnum et honorable est istud officium! *Excedit, inquit S. Ephrem, intellectum et orationem;* et sicut arbitror, hoc est quod Paulus, quasi in stuporem mentis actus, innuit exclamans: *O altitudo! Quid retribuam tibi, Domine, pro gratia ista?* Utinam possem tibi servire cunctis diebus vitae meae! Sic volo, sic desidero; et quidquid mihi deest, tu digneris supplere. (L. 3 de Imit. cap. 10).

3. *Sed et alia his nihil inferiora,* inquit S. Chrys.

1. 3 de Sacerd. c. 4, operantur sacerdotes. *Etenim his commissum insuper est, ut ea quae in coelis sunt, dispensent; iis datum est, ut potestatem habeant quam Deus optimus neque Angelis neque Archangelis datam esse voluit: neque enim ad illos dictum est: Quorumcumque remiseritis peccata, remittuntur eis, etc. Quaenam, obsecro, potestas hanc unda maior esse queat? Nam quasi iam in coelum translati, ac supra humanam naturam positi, atque nostris ab affectibus exempti; sic illi ad principatum istum perducti sunt. Quid plura?... Hi sunt quibus tum concreditae sunt spirituales parturigines, tum etiam baptismatis partus est a Deo commissus: per hos ipsos Christum induimus; una cum Dei Filio sepelimur, et beati illius Capitis membra efficiuntur, nec citra illorum opem, aut gehennae ignem evitare, aut repositae in coelo coronae praemia assequi possumus. O sacerdotes Domini, quantam dignitatem contulit vobis Deus! Quanta est praerogativa ordinis vestri! Assimilati estis Filio Dei. Hoc sentite in vobis quod et in Christo Iesu; et virtute tales estote, ut non minus merito quam gradu praecellatis.*

MEDITATIO III.

De sanctitate sacerdotali.

(Ex lib. IV. de Imit., c. v.)

1. Si haberes angelicam puritatem et sancti Ioannis Baptiste sanctitatem, non es dignus hoc Sacramentum accipere, nec tractare. Non enim hoc debetur meritis hominum, quod homo consecret et tractet Christi Sacramentum, ut sumat in cibum panem Angelorum. Grande mysterium et magna dignitas sacerdotum, quibus datum est quod Angelis non est concessum! Soli namque sacerdotes in Ecclesia ritè ordinati, potestatem habent celebrandi et corpus Christi consecrandi. Sacerdos quidem minister est Dei, utens verbo Dei per iussiōnem et institutionem Dei; Deus autem ibi principalis est auctor et invisibilis operator, qui subest omne quod voluerit, et paret omne quod iusserit.

2. Plus ergo credere debes Deo omnipotenti, in hoc excellentissimo Sacramento, quam proprio sensu aut alicui signo visibili. Ideoque cum timore et reverentia ad hoc opus est accedendum. Attende igitur et vide cuius ministerium tibi traditum est per impositionem manus episcopi. Ecce sacerdos factus es, et ad celebrandum consecratus: vide nunc ut fideliter et devotè in suo tempore Deo sacrificium offeras, et te ipsum irreprehensibilem exhibeas. Non allevasti onus tuum, sed arctiori iam alligatus es vinculo disciplinae, et ad maiorem teneris perfectionem sanctitatis. Sacerdos omnibus virtutibus debet esse ornatus, et aliis bonae vitae exemplum præbere. Eius conversatio, non cum popularibus et communibus hominum viis, sed cum Angelis in coelo, aut cum perfectis viris in terra.

3. Sacerdos sacris vestibus indutus, Christi vices gerit, ut Deum pro se et pro omni populo suppliciter et humiliter roget. Habet ante se et retrò Dominicæ crucis signum, ad memorandam iugiter Christi passionem. Ante se, crucem in casula portat, ut Christi vestigia diligenter inspiciat, et sequi ferventer studeat. Post se, cruce signatus est, ut, adversa quaelibet illata ab aliis, clementer pro Deo toleret. Ante se crucem gerit, ut propria peccata lugeat. Post se, ut aliorum etiam commissa per compassionem defleat; et se medium inter Deum et peccatorem constitutum esse sciāt; nec ab oratione, nec ab oblatione sancta torpescat, donec gratiam et misericordiam impetrare mereatur. Quando sacerdos celebrat, Deum honorat, Angelos laetificat, Ecclesiam aedificat, vivos adiuuat, defunctis requiem præstat, et seipsum omnium bonorum participem efficit.

MEDITATIO IV.

De scientia sacerdotali.

1. Considera quanta sit in sacerdote scientiae necessitas. *Praeceptum sempernū est, aiebat olim Deus ad veteres sacerdotes (Lev. x, 9, 10), ut habeatis scientiam discernendi inter sanctum et profanum. Labia sacerdo-*

tis, dicit apud Malach. cap. II, custodient scientiam, et legem requirent ex ore eius. Oportet, inquit Apostolus, I Timoth. III, episcopum esse doctorem. Indoctus et imperitus sacerdos, praeterquam quod seipsum et Ecclesiam dedecorat, impar omnino est erudiendis et exhortandis, ut necesse foret, populis; quos propterea ignorantiae tenebris obvolutos, in vita et in interitum ire oportet. Hinc Deus et Ecclesia pariter repellit voluntà sacerdotio, qui repellunt scientiam. (Osee, IV, et Dist. 36, c. 1). Numquid tu ex illis es? Ingemisce super tua ignavia; Dei metue maledictum; et ad illud avertendum, una cum malis ex ignorantia sacerdotum nasci solitis, beatissimi Petri seque rebus consilium, et omnem curam subinserendo in virtute tua ministra scientiam, ut doctrinā aequa ac vita aedificare possis domum, id est familiam Dei.

2. Considera qualis esse debeat sacerdotis scientia. Scire debet, 1.^o quae requiruntur et conducere possunt ad propriam sanctificationem et perfectionem, *v. g.* modum orandi mentaliter, discutiendi conscientiam, et alia peragendi spiritualia exercitia; 2.^o quae pertinent ad missae sacrificium, ad divinum officium et utriusque ritus ac ceremonias; 3.^o quae necessaria sunt ad fideliter et utiliter implendum institutionis populorum munus, et rite ministranda Sacraenta. Qua de causa non potest satis lectioni sacrarum litterarum et probatorum auctorum incumbere et attendere. Diligenter hic examina conscientiam tuam. Quid hactenus fecisti ad comparandam tibi necessariam scientiam? An calles omnia quae scire teneris, sive ut christianus, sive ut minister Christi? Num te latent plura ex his quae debes aut Deo, aut tibi, aut proximo? Ad excutiem cordiam cogita frequenter quia *ignorans ignorabitur*.

3. Considera quibus modis adipisci valeas scientiam sacerdotalem. Praecipua sunt: 1.^o oratio, cuius ope plus Sancti proferunt quam lectione (testis est sanctus Thomas); 2.^o improbus labor, assiduum studium, quod idcirco suo Timotheo commendabat Apostolus, et ipse non negligebat, patet ex II Tim. VI, 13; 3.^o frequens,

de iis quae lecta sunt, cum peritis collatio. Denique purgatio interioris oculi seu intentionis; ita ut in acquisitione et usu scientiae, non *inanis* intendatur gloria vel curiositas, sed *sui vel proximi aedificatio*. Quoniam plerique sacerdotes horum mediorum nullum ferent habent usum, hinc non mirandum quod tanta inter ipsos existat ignorantia. Cave ne eiusdem reus fias negligentia; sed nihil ex praedictis omitte, quae si tecum adsint et superent, non *vacuum*, nec *sine fructu* te constituent in Domini nostri Iesu Christi cognitione.

MEDITATIO V.

De zelo sacerdotali.

1. *Zelo zelatus sum pro Domino Deo exercituum.* (III Reg. xix, 14). Qui non zelat, ex S. Aug., non amat. Qui autem non amat, quo in statu manet? In morte, ait S. Ioan. O luctuosa innumerorum sacerdotum sors! Tantò plus divinam gloriam zelare debet sacerdos, et in ea augenda allaborare, quantò Deus ipse plus ei honoris contulit et gloriae; contulit autem ultra omnem expectationem; cum honor sacerdotalis quo illum dignatus est, *nullis possit comparationibus adaequare*, ex S. Ambr. An non decet ut modis omnibus glorificet eum à quo sic glorificatus est? Profectò ait S. Ign. Mart., et criminose omnino huic desset officio; praesertim cum, ut observat conc. Med. 4, hanc tantum mente sit ex hominibus assumptus, et in ecclesiastico ordine constitutus. Tu ergo, ô homo Dei! assume zelum pro sancto eius nomine, et in illius gloria conservanda ac propaganda totus esse coneris, memor huius quod scriptum est: *Quicumque glorificaverit me, glorificabo eum: qui autem contemnunt me, erunt ignobiles.* (I Reg. II, 30). Genu super universis quae in ipsum quotidie committuntur. Quot potes oppone bona opera; et in omnibus tuum hoc sit verbum atque symbolum: *Ad maiorem Dei gloriam.*

2. *Ego libertissimè impendam, et superimpendar ipse pro animabus.* (II Cor. XII, 15). Si vis officium exer-

cere presbyteri, hoc in te sentias oportet, et aliorum salutem, ut ait S. Hier., lucrum facias animae tuae. Iuxta S. Clem., Const. Apost., l. 8, cap. 16: *Episcopus olim presbyteris, ex Apostolica traditione, significat eos in hunc finem consecrari.* Unde cum Paulo potes dicere: *Vae mihi, si non evangelizavero, si de animarum salute nihil curavero; necessitas enim mihi incumbit.* Zelum tuum inflammare debet: 1.^o dignitas animae, de qua S. Bern., Medit. 3: *O anima, Dei insignita imagine, decorata similitudine, despontata fide, dotata spiritu, redempta sanguine, depurata cum Angelis, capax beatitudinis, haeres bonitatis, particeps rationis!* Hinc est quod idem dolens exclamat: *Cadit asina, et est qui sublevet eam; perit anima, et nemo est qui reputet.* 2.^o Excellentia operis, de quo sic S. Dion. de Coelest. Hier. c. 5: *Omnium divinorum divinissimum est, Deo cooperari in salutem animarum.* Plus est, inquit Richard. à S. Vict., quām mortuos suscitare. Ex S. Chrys., nullum omnipotenti Deo tale est sacrificium. Si immensas pecunias eroges, ait idem, plus tamen efficies, si converteris animam, caram et amicam Dei possessionem.

3.^o Merces promissa quae tanta est! Qui ad iustitiam erudiant multos, dicitur apud Dan., cap. XII, fulgebunt quasi stellae in perpetuas aeternitates. O quām durum esset cor tuum, si nullo ex his commoveretur! Oratio, verbum et exemplum totidem sunt media quibus animarum salus procuratur! cuncta sedulò adhibeas, ut in fine mundi, viris apostolicis coram Domino missis cum plenis animarum manipulis venientibus, tu vacuus non appares.

3. Domine, dilexi decorem domus tuae. (Ps. XXV, 8). En tertium zeli sacerdotalis obiectum. Maximè sacerdoti hoc convenit, ait S. Ambr., ornare Dei templum decore congruo, ut etiam hoc cultu aula Domini resplendeat. Hinc tantum olim hac in parte fuit S. Nepotiani studium: *Erat sollicitus, inquit S. Hier., si nitaret altare, si parietes absque fuligine, si pavimenta terfa, si sacrarium mundum, si vasā luculenta; et erat in omnes caeremonias pia sollicitudo disposita.* Non

minus, non maius negligebat officium. Ubicumque eum quaereret, in ecclesia invenires. O exemplum viris omnibus ecclesiasticis maximè imitabile! Verum saepius accidit ut privata multorum ex his domus, eorumque vestes et supellex quae sit splendore reniteant, interea dum domus Dei, et quaecumque ad sanctum cultum inserviunt, contractis ob eorum incuriam sordibus, omnium offendunt oculos. Proh pudor! Certè, carissime frater, si fidem haberet, si Deum timeret, aliter se res haberent. Resipisce quamprimum, et congruo ardeas domus Dei zelo, ut dicere aliquando possis: *Domine dilexi decorem domus tuae: ne perdas cum impiis, Deus, animam meam.*

MEDITATIO VI.

De castitate sacerdotali.

1. Considera huius virtutis excellentiam. Origine coelestis est, ex S. Bonav. *Immortalis memoria illius, ex Scrip. (Sap. IV, 1).* Omne aurum, ex ead. Scrip., in comparatione illius, arena est exigua. (Sap. VII, 9). Nulla virtute, ait Cassian., tam Angelis aequantur homines. In hoc mortalitatis loco et tempore, ait S. Bern., statum quemdam immortalis gloriae repreäsentat. Per illam, ait S. Zeno Veron., saeculum vincitur, diabolus subiugatur, *Spiritus Sanctus induitur, glorificatur Deus, Omnipotens propitiatur.* O pretiosa margarita! exclamat S. Athan., *beatus qui tenet te!* Beatus qui, per patientiam, tibi constanter adhaeret: *quoniam cum paululum laboraverit, multa in te munera recipiet.* Immortales age Deo gratias, quod te ad tam præstantis virtutis professionem vocaverit, et super salutem ac speciem diligere illam.

2. Considera eiusdem virtutis necessitatem. Omnibus, ait S. Aug., serm. 249, de Temp., *castitas pernecessaria est, sed maximè ministris altaris, quorum vita aliorum debet esse eruditio, et quos ad sacram ministerium admitti non sinit Ecclesia, nisi sub conditione perpetuae et approbatæ castitatis.* (Dist. 32, c. 12). Tales quippe decet Deum habere ministros, ait pontif. Bibl.

apost., qui nullo carnis contaminentur contagio, sed plena mentis et corporis castitate praefulgeant sacerdotes, ut observant SS. PP. Deo familiarius appropinquant; incensum et panes ei offerre habent, Christi Domini corpus proprio ore conficiunt, et sacrosancti illius carnibus quotidie vescuntur; quo igitur non oportet puriores ac sanctiores esse talibus fruentes bonis? Necesse est, inquit S. Chrys., lib. 3 de Sacerd., cap. 4, sacerdotem sic esse purum, ut si, in ipsis coelis collocatus, inter coelestes virtutes medius staret. Vitam ergo agas integerrimè, ut non solùm ab immundo opere, ait S. Hier., sed etiam à iactu oculi et cogitationis errore mens tua sit porsus libera; sciens ex S. Chrys. quòd *immunditia, quae in alio crimen est, in sacerdote est sacrilegium*, et quòd soli qui puram agunt vitam, verè sunt *Dei sacerdotes*, ex S. Clem. Alex.

3. Considera castitatis fragilitatem non minorem videri quām eius praestantium: habemus enim thesaurem istum in vase fictili, quod facile rumpitur. Prompta eius iactura, difficilis recuperatio. Ut integer servetur in adventu Domini nostri Iesu Christi haec praesertim age: 1.^o Castiga corpus tuum, et in servitudem redige; si enim mollius tractetur, insolescat ad tuam perniciem. 2.^o Modico vino utere, quia ut ait Sapiens, luxuriosa res est vinum. 3.^o Non sis familiaris alicui mulieri; de vestimentis enim, ait iterum Sap., Eccli., c. XLII, procedit tinea, et à muliere iniquitas viri. 4.^o Vigila praecepit circa initium tentationis, et hostem, dum parvus est, interime. 5.^o Nullum tempus feriatum habeas, sed facito semper aliiquid operis, ut semper te diabolus inveniat occupatum. (S. Hier.). 6.^o Valde humilia spiritum tuum; nam, ex S. Bern., ut castitas detur, humilitas meretur. Demum statutis aliquot verae pietatis actibus, Iesu et Mariae praesidium tibi consilia; haec enim, virginum cùm sit regina, clientes virginis amat; ille facit. Frequentioribus ergo suspiriis ad utrumque aspiret anima tua, quoniam aliter non potes esse continens, nisi Deus det. (Sap. VIII). Cor mundum crea in me, Deus. (Ps. L). Virgo singularis, vitam praesta puram.

MEDITATIO VII.

Quòd sacerdoti frequenter vacandum sit orationi mentali, seu meditationi.

1. Considera quantopere ad pium illud exercitium impellant Scripturæ. (Deut. vi). Erunt, inquit Deus, verba haec quae ego praecipio tibi hodie in corde tuo... et meditaberis in eis, sedens in domo tua, et ambulans in itinere, dormiens atque consurgens. (Eccli. VI). Cogitatum tuum habe in praeceptis Dei, et in mandatis illius maximè assiduus esto: ipse dabit tibi cor, et concupiscentia sapientiae dabitur tibi. Et Ps. I: Beatus vir qui in lege Domini meditatur die ac nocte... erit tanquam lignum quod fructum suum dabit in tempore suo... et omnia quaecumque faciet prosperabuntur. Ubi vides, 1.^o quòd divinae legis meditatio iniungitur et commendatur omnibus indiscriminatim. Unde S. Prosper: Quis, inquit, dubitabit Ecclesiae ministros illius posse et debere fieri sectatores? 2.^o quòd commendatur assidua et veluti continua, die et nocte. A quo implendo longè certè est qui semel saltem in die vel per medium horam ei vacare non curat; 3.^o quòd exhibetur tanquam fons et origo omnis nostræ bonæ voluntatis, omnisque fructus spiritualis qui à nobis potest exspectari. Ex quo consequens est eam, sine magno salutis discrimine, negligi non posse. Fili mi, ne effluant haec ab oculis tuis. (Prov. III, 21).

2. Considera dicta Sanctorum circa orationem mentalem. S. Bern. l. 1, de Consid., in ea reponit pietatem: Quid sit pietatis, inquit, quaeris? Vacare consideratio ni. S. Bonav. docet sine illa pietatem non posse consistere: Sine isto studio (orationis), inquit, omnis nostra religio arida est, imperfecta et ad ruinam promptior. S. Aug. dicit esse pietatis nutrimentum: Sicut, inquit, ex carnalibus escis alitur caro, ita ex divinis eloquii et orationibus interior homo nutritur et pascitur. Sanctus Chrysostomus ait: Orationem id esse animae quod pisci est aqua; adeoque sine oratione non magis animam vivere posse, quām potest piscis extra aquam. S. Vincen-

tius à Paulo eam vocat clericorum gladium et defensionem: *Quod militibus gladius, aiebat ille, hoc est altaris ministerio servientibus oratio.* Atque hinc est, quòd hi et alii servi Dei tantopere huic orationis et meditationis exercitio fuerint addicti. *Per diem laborabant, dicitur in lib. de Imit., et noctibus orationi diuinæ vacabant, quamquam laborando ab oratione mentali minimè cesserent.* Aemulare, frater, hunc erga orationem affectum, et noli proxim negligere ad piè iusteque vivendum tam necessarium.

3.^o Considera vitam et agendi modum, seu eorum qui orationi addicti sunt, seu eorum qui de illa parùm curant. Proh! quantum hos inter et illos discriminis! Primi à gravioribus temperant peccatis, virtutem colunt, et officii sui munia ritè obeunt. Secus verò alii, qui *carnales* sunt, *mundani, segnes, vagi, irreligiosi, et variis servientes desideriis*, voluptatibus et peccatis. Hinc intellige quām magni momenti sit orationis et meditationis exercitatio! Ex Psalt. regio: *Qui scruntur Dei testimonia, in toto corde exquirunt eum.* Et ex Ieremia propheta: Ideo desolatione desolata est terra, quia nullus est qui *recogitet corde.* Quapropter da operam ut, iuxta S. Caroli admonitionem, *in meditationis tacitaeque piae orationis studio, singulis diebus, certo temporis spatio, toto animi sensu incumbas; memor orationem et alia pietatis exercitia propria esse tui statūs officia, secundū istud consilii Lingon. an. 1404: Assiduè et devotè orare, sicut et lectioni perfectè intendere, sunt opera clericorum.*

MEDITATIO VIII.

De bono usu temporis.

Pro fine anni.

Videte, fratres, quomodo cautè ambuletis; non quasi insipientes, sed ut sapientes; rudimentes tem-

pus. (*Ephes. v.*)

1. Nihil planè restat *temporis praeteriti*. Quò abiere florentes anni? Quid horum superest, praeter memoriam illicitarum voluptatum quibus cor contaminasti? Heu! quasi torrens fluxit vita mea, et quasi somnum praeteriit. Poteram thesauros coelestes mihi comparare, nec comparavi! Ubi nunc amatores saeculi quos vidisti diuinitis et voluptatibus circumfluentes? *Ducunt in bonis dies suos, et in puncto ad inferna descendunt.* (*Iob, xxi.*)

2. *Praesens tempus* est in manibus nostris. Eo itaque sanctius utamur, quām *praeterito*. Momentum quidem est tempus praesens, sed momentum grande à quo penet aeternitas, aut summè beata, aut summè misera. Hoc momentum requirit Deus: an ipsi denegaturus est? Etiamsi forent diuturnissima, toleranda ad Dei fructuinem, an iure conqueri posses? *Existimo enim*, inquit Apostolus, *quòd non sunt condignae passiones huius temporis ad futuram gloriam*, etc.

3. *Futurum tempus* incertum est. Nescis planè numerum annularum horologii vitae tuae. Non potes vel unicum momentum tibi polliceri. Infelix! Quorsum tot vana consilia! Unum accipe consilium, ne perpetuò abutaris concessio tibi tempore: *Non defrauderis à die bono, et particula boni doni non te prætereat.* (*Ecli. xiv.*) Hunc diem quasi supremum, hanc horam quasi ultimam, transigas. Id si sedulò quotidie feceris, nec otio, nec peccatis indulgebis. *Omnem crede diem tibi diluxisse supremum.*

§ III.

CONSIDERACIONES

PARA CELEBRAR DIGNAMENTE, SOBRE VARIOS NOMBRES Ó TÍTULOS DE NUESTRO SEÑOR JESUCRISTO, REPARTIDAS POR LOS DIAS DE LA SEMANA.

(Sacadas del cap. vi, trat. vi de la *Instrucion de Sacerdotes* del P. D. Antonio Molina).

DOMINGO.

Considéralo como Dios.

Motivos para despertar. Este dia en despertando, pon los ojos del alma en tu Dios, que con grandisima benignidad te está conservando y dando el ser. Haz cuenta que le recibes de él en ese punto; y así, reconociéndote obligado á ocuparte siempre en sus alabanzas, levántate con este deseo de ocupar en eso todo el dia y toda tu vida, diciendo: *Deus, Deus meus, ad te de luce vigilo.* (Psalm. LXII, 1). *Benedicam Dominum in omni tempore: semper laus eius in ore meo.* (Psalm. XXXIII, 1).

Advertencia general. Así en esta consideracion como en las demás, todas las veces que te llegares á celebrar, imagina que ves los cielos abiertos con grandísima claridad, y á la santísima Trinidad en un trono de gran majestad y gloria, y todos los Ángeles y los Santos en sus coros cantando: *Sanctus, Sanctus, Sanctus:* y que todos tienen puestos los ojos con grandísimo amor y reverencia en aquel Señor, de quien reciben la bienaventuranza: y que con mucho amor esperan y desean que tú celebres estos sagrados misterios, y recibas en aquel Sacramento encubierto al mismo que ellos allá ven á las claras.

PRIMERA CONSIDERACION. Pues, considera lo primero, lo que pudieras alcanzar y entender de las perfecciones y atributos divinos.

Sumario de las perfecciones divinas. INFINIDAD. Aquel

DE STATU SACERDOTALI.

355

Ser infinito, que, sin ninguna comparacion ni proporcion, excede todo el ser y la perfeccion de todas las criaturas, y todas ellas no bastan para comprenderle. El solo se conoce y comprende perfectamente.

SU ETERNIDAD sin principio, ni fin, ni sucesion, ni mudanza en su ser. Siempre fue y es y será uno mismo y de una misma manera. Todas las demás cosas se mudan y varian: *Et sicut vestimentum veterascent... Tu autem idem ipse es, et anni tui non deficient.* (Psalms. cI, 27-28).

SU GRANDEZA: *Coelum et terram ego impleo. Coelum mihi sedes est, et terra scabellum pedum meorum.* (Isaiae, LXVI, 1). Y en todas las criaturas está tan presente y tan esencialmente, como ellas mismas en sí. Y en su comparacion toda esta gran máquina del mundo no es mas que una pequeñita gota de rocío, ó un grano muy pequeño de peso: *Quasi stilla stilulae, et tamquam momentum statere. Et quasi non sint, sic sunt coram eo, et tamquam nihilum et inane reputatae sunt ei.* (Isaiae, XL, 15 et 17).

SU MAJESTAD: á cuya presencia *Columnae coeli contrémiscunt, et pavent.* (Job, XXVI, 11). *Coelum et coeli coelorum, abyssus, et universa terra, et quae in eis sunt, in conspectu illius commovebuntur...* *Cum conspexerit illa Deus, tremore concutientur.* (Eccli., XVI, 18, 19). *Millia millium ministrabant ei, et decies millies centena millia assistebant ei.* (Daniel, VII, 10). *Et numq uid est numerus militum eius?* (Job, XXV, 3). Y estos criados tuyos no son menos que Ángeles y Serafines (Psal. cIII, 4), que el menor de todos ellos vale mas que todo este mundo visible.

SU FORTALEZA: *Qui respicit terram, et facit eam tremere* (Psalms. cIII, 32): *appendit tribus digitis molem terrae.* (Isaiae, XL, 12).

SU SABIDURÍA: *Qui numerat multitudinem stellarum; et omnibus eis nomina vocat.* (Psalms. cXLVI, 4). Conoce perfectisimamente todo lo que es, y lo que será, y lo que puede ser. *Omnia nuda et aperta sunt oculis eius* (Hebreos, IV, 13), *etiam occultissima cordium.*